



N 21/8775
16/10/2023

8775-21-2-202310161310



შპს „რეციკლინგს“

მის: ქ. თბილისის, მოსკოვის გამზ., N24ა

ელ. ფოსტა: hakan@bars.ge

სსიპ გარემოს ეროვნულმა სააგენტომ განიხილა გარემოსდაცვითი გადაწყვეტილების მიღების მიზნით წარმოდგენილი თქვენი N7904 განცხადება, რომელიც ეხება ქ. რუსთავეში, ჯავახიშვილის ქ. N7-ში სახიფათო და არასახიფათო ნარჩენების წინასწარი დამუშავებისა და აღდგენის საწარმოს მოწყობასა და ექსპლუატაციას და გაცნობებთ შემდეგს:

- დაზუსტებას საჭიროებს (3.3. ქვეთავი - ტექნოლოგიური ალტერნატივები) ინფორმაცია ნარჩენი ზეთების დისტილიზაციასთან დაკავშირებით. ამასთან, მოცემული უნდა იქნას სრულყოფილი ინფორმაცია ნარჩენი ზეთების დამუშავების შესახებ. ხოლო ნამუშევარი ზეთის ფილტრების გადამუშავება მიზანშეწონილად არ მიიჩნევა, ვინაიდან, ძრავისა და კბილანური გადაცემის კოლოფის ზეთები და ზეთოვანი ლუბრიკანტები სახიფათო ნარჩენებს წარმოადგენენ, ხოლო პროექტში მოცემული გადამუშავების ტექნოლოგია საკმაოდ სუსტია. ასევე, არ არის მიზანშეწონილი ფილტრების ნარევი ზეთის ხელმეორედ გამოყენება;
- წარმოდგენილი უნდა იყოს დეტალური აღწერილობა/ინფორმაცია ნარჩენების დროებითი შენახვის პირობების შესახებ, განსაკუთრებით სახიფათო ნარჩენების, რომლებიც უნდა იმართოს „სახიფათო ნარჩენების შეგროვებისა და დამუშავების სპეციალური მოთხოვნების შესახებ“ საქართველოს მთავრობის 2016 წლის 29 მარტის №145 დადგენილებით გათვალისწინებული მოთხოვნების შესაბამისად;
- დაზუსტებას საჭიროებს წიდასაყარის მართვის საკითხი. კერძოდ, პროექტის თანახმად, დაგეგმილია წიდასაყარის მოწყობა-ექსპლუატაცია. „ნარჩენების მართვის კოდექსის“ თანახმად, ნარჩენების განთავსების მიზნით უნდა მოეწყოს შესაბამისი ნაგავსაყრელი ან/და ნარჩენების დროებითი განთავსების ობიექტი, რაც განსხვავებულ რეგულირებას საჭიროებს. შესაბამისად, ვინაიდან წიდა წარმოადგენს სახიფათო ნარჩენს, ის უნდა გადაეცეს შესაბამისი ნებართვის მქონე კომპანიას ან/და თუ კომპანიას განსაზღვრული აქვს მისი საკუთარ ტერიტორიაზე განთავსება, უნდა მოეწყოს სახიფათო ნარჩენების ნაგავსაყრელი, რომელიც საჭიროებს დამოუკიდებელ დოკუმენტში განხილვას;

- გზშ-ის ანგარიშის 4.5.2.2. ქვეთავში აღნიშნულია, რომ წუნდებული/მწყობრიდან გამოსული საყოფაცხოვრებო ელექტრონული მოწყობილობების ტექნოლოგიური ხაზის ერთ-ერთი შემადგენელი ნაწილია კონვეიერი ნარჩენების ტრანსპორტირებისათვის. დაზუსტებას საჭიროებს რა იგულისხმება ნარჩენების ტრანსპორტირების კონვეიერში;
- წარმოდგენილი უნდა იქნას სრულყოფილი ინფორმაცია ელექტრო და ელექტრო მოწყობილობების დამუშავების შესახებ, რომელშიც გათვალისწინებული უნდა იქნას „ელექტრო და ელექტრონული მოწყობილობების ნარჩენების მართვის შესახებ“ საქართველოს მთავრობის 2020 წლის 25 მაისის №326 დადგენილების დანართი II-ის (ელექტრო და ელექტრონული ნარჩენების შეგროვებისა და დასაწყობების ტექნიკური მოთხოვნები) მოთხოვნები;
- გზშ-ის ანგარიშში არ არის აღწერილი ინფორმაცია ელექტრო კაბელების დემონტაჟის დანადგარის შესახებ, რაც საჭიროებს დეტალური ინფორმაციის წარმოდგენას;
- გზშ-ის ანგარიშში არ არის მითითებული ნახშირის წარმოებისას ნარჩენის კოდი, რომლისგანაც მიიღება ნარჩენი. ამასთან, ნახშირის წარმოების დანადგარის შესახებ წარმოდგენილი უნდა იქნას უფრო ვრცელი ინფორმაცია;
- დაზუსტებას საჭიროებს თუ როგორ მოხდება ზეთიანი წყლის გაწმენდა, კერძოდ რა ტექნოლოგიით განხორციელდება წყლის გაწმენდა მის ხელახალ გამოყენებამდე. ამასთან, წარმოდგენილი უნდა იქნას სახიფათო ნარჩენების კომპონენტების რეცხვისთვის წყლის გამოყენების საკითხი, რომელიც შესაბამისობაში უნდა იყოს საქართველოს მთავრობის 2016 წლის 29 მარტის №145 დადგენილებასთან;
- დაზუსტებას საჭიროებს ცხრილში 4.5.4.1 მოცემული ინფორმაცია დასამუშავებელი თუ უკვე დამუშავების შედეგად წარმოქმნილი ნარჩენების შესახებ. ხოლო ცხრილში 4.5.4.2 სრულყოფილად არ არის წარმოდგენილი ინფორმაცია საწარმოს ფუნქციონირების შედეგად მიღებული ნარჩენების და მათი შემდგომი მართვის შესახებ, რაც საჭიროებს დაზუსტებას;
- გზშ-ის ანგარიშში მოცემული ნარჩენების დამუშავების ტექნოლოგიები არ ასახავს თანამედროვე მიდგომებს და მოთხოვნებს, ხოლო ნარჩენების დროებითი დასაწყობების უბნები არ შეესაბამება საქართველოს მთავრობის 2016 წლის 29 მარტის №145 დადგენილებით განსაზღვრულ მოთხოვნებს. ზემოაღნიშნული საკითხები საჭიროებს დაზუსტებას/კორექტირებას.
- გზშ-ის ანგარიშის თანახმად, დაგეგმილი საქმიანობა ეხება სახიფათო და არასახიფათო ნარჩენების წინასწარი დამუშავებისა და აღდგენის საწარმოს მოწყობასა და ექსპლუატაციას, თუმცა დოკუმენტაციაში არ არის მითითებული „გარემოსდაცვითი შეფასების კოდექსის“ II დანართის მე-10 პუნქტის 10.3 და 10.4 ქვეპუნქტები, რაც საჭიროებს დაზუსტებას/კორექტირებას;
- გზშ-ის ანგარიშის ცხრილში 2.1. („საქართველოს გარემოსდაცვითი კანონმდებლობა“) სრულყოფილად არ არის განხილული გარემოსდაცვითი კანონმდებლობები, კერძოდ არ არის მოცემული საქართველოს მთავრობის 2016

წლის 29 მარტის №144 დადგენილება „ნარჩენების შეგროვების, ტრანსპორტირების, წინასწარი დამუშავებისა და დროებითი შენახვის რეგისტრაციის წესისა და პირობების შესახებ“ და საქართველოს მთავრობის 2020 წლის 25 მაისის №324, №325, №326, №327 დადგენილებები. აღნიშნული საჭიროებს კორექტირებას.

გთხოვთ, უზრუნველყოთ ყველა ზემოაღნიშნული საკითხის/შენიშვნის შესახებ ინფორმაციის/დოკუმენტაციის 2 თვის ვადაში წარმოდგენა. აღნიშნული ინფორმაციის/დოკუმენტაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის შესახებ.

ვასილ გედევანიშვილი



სააგენტოს უფროსი

სსიპ გარემოს ეროვნული სააგენტო

